

## UPUTSTVA AUTORIMA

Naučno-stručni časopis *Geodetski glasnik* je periodična publikacija Saveza udruženja građana geodetske struke Bosne i Hercegovine. Ovaj časopis objavljuje članke iz područja geodezije, GIS-a, GNSS-a, daljinskih istraživanja, fizikalne geodezije i općenito, iz svih područja koja se bave informacijama o prostoru, te važnija saznanja iz drugih područja koja su važna za razvoj i unapređenje geodezije.

U *Geodetskom glasniku* objavljuju se članci koji se recenziraju, kao i oni koji ne podliježu recenziji.

Radovi koji se recenziraju razvrstavaju se na sljedeći način:

- originalni naučni članci,
- prethodna saopštenja,
- pregledni (naučni) članci,
- izlaganja s naučnih i stručnih skupova,
- stručni članci.

Autor može predložiti kategoriju za svoj rad, ali konačnu odluku o svrstavanju donosi Uredništvo na prijedlog recenzenta.

*Originalni naučni članak* sadrži neobjavljene rezultate originalnih istraživanja. Članak treba biti izložen tako da se može provjeriti tačnost analiza na kojima se temelje rezultati.

*Prethodno saopštenje* sadrži nove naučne spoznaje koje treba hitno objaviti. Ne mora omogućavati ponavljanje i provjeru iznesenih rezultata.

*Pregledni (naučni) članak* mora biti originalan, sažet prikaz nekog područja ili njegovog dijela u kojem autor aktivno djeluje. Mora biti naglašena uloga autorovog originalnog doprinosa u tom području s obzirom na već objavljene radove, kao i pregled tih radova.

*Izlaganje sa naučnog ili stručnog skupa* objavit će se samo ako nije objavljeno u odgovarajućem zborniku.

*Stručni članak* je prilog s područja struke, u njemu se obrađuje problematika koja nije vezana za originalna istraživanja, ali je vrijedan materijal u pogledu širenja znanja i prilagođavanja originalnih istraživanja potrebama struke.

Radovi koji se ne recenziraju razvrstavaju se na:

- vijesti s održanih naučnih i stručnih skupova,
- vijesti iz radnih kolektiva i stručnih društava,
- osvrti na nove knjige, časopise, softvere, instrumente i sl.,
- obavještenja o pripremanim savjetovanjima, simpozijima i drugim stručnim skupovima koji se održavaju u zemlji i inostranstvu,
- obavještenja o umrlim kolegama, sjećanja i sl.,
- druge interesantne vijesti.

Osnovni uslov za predaju članka je da nije prethodno objavljivan niti se nalazi u recenzentskom postupku pri nekom drugom časopisu. Svaki rad treba da bude napisan u najkraćem obliku što ga jasnoća izlaganja dopušta i to na bosanskom, hrvatskom, srpskom ili engleskom jeziku.

Kod radova koji se recenziraju treba navesti naslov rada, sažetak s ključnim riječima, autor (e), stručnu spremu, naučno zvanje, naziv ustanove u kojoj su zaposleni i njihove kontakt podatke. Ukoliko je rad na bosanskom, hrvatskom ili srpskom jeziku, treba napisati naslov rada, sažetak i ključne riječi i na engleskom jeziku. Na kraju članka abecednim redom treba navesti popis korištene literature. U tekstu se obavezno vrši citiranje autora tako da se u zagradi uz prezime autora navodi godina izdanja publikacije. Autor članka je odgovoran za tačnost navođenja literature i poštivanje autorskih prava drugih autora, čije je radove koristio.

Pojedinosti o opremi rukopisa autori mogu pronaći na web stranici časopisa:

[http://www.suggsbih.ba/GEODETSKI\\_GLASNIK/uputstvo.htm](http://www.suggsbih.ba/GEODETSKI_GLASNIK/uputstvo.htm)

Radovi se dostavljaju Uredništvu elektronskom poštom (*glasnik@suggsbih.ba*) ili poštom na CD/DVD mediju.

Postupak recenziranja je anoniman. Kada recenzenti to zahtijevaju, članak se vraća na doradu na adresu autora zaduženog za korespondenciju. Uredništvo zadržava pravo skraćivanja i prilagođavanja članka opštim standardima uređivanja časopisa.

Autori zadržavaju autorska prava za članke objavljene u *Geodetskom glasniku*, ali svojim pristankom na objavljivanje daju časopisu pravo prvog objavljivanja u štampanom i elektronskom formatu. Članci objavljeni u časopisu se, uz prikladno navođenje izvora, smiju besplatno koristiti u obrazovne i druge nekomercijalne svrhe. Članak objavljen u *Geodetskom glasniku* obavezuje autora da isti članak ne može objaviti na drugom mjestu bez dozvole Uredništva *Geodetskog glasnika*, a i tada samo uz podatak o tome gdje je članak prvi put objavljen. Članci objavljeni na drugom mjestu neće se objavljivati u *Geodetskom glasniku*. Izuzetno, ako se radi o vrlo interesantnom radu, može se rad odnosno prijevod objaviti ali uz saglasnost izdavača i autora.

Mišljenje ili stavovi autora radova ne odražavaju nužno mišljenje i stavove Uredništva.

### POZIV NA SARADNJU

Uredništvo *Geodetskog glasnika* poziva kolege iz cijele Bosne i Hercegovine i inostranstva da nam se jave svojim priložima. Šaljite svoje priloge pridržavajući se datih uputstava!

Također vas pozivamo da nam dostavljate svoje zanimljive fotografije i druge materijale s geodetskom tematikom. Najinteresantniji materijali će naći svoje mjesto u *Geodetskom glasniku*. Također, molimo da šaljete obavijesti o umrlim kolegama koje ćemo objavljivati u rubrici IN MEMORIAM.

Za sve dodatne informacije zainteresovani se mogu obratiti Uredništvu Geodetskog glasnika putem pošte, telefona/faksa ili e-maila:

**Odsjek za geodeziju Građevinskog fakulteta u Sarajevu (za Geodetski glasnik)**

**Stjepana Tomića br.1/III, 71000 Sarajevo, Bosna i Hercegovina**

**Tel.: +387 (0) 33 278-443, Fax.: +387 (0) 33 278-484**

**E-mail: [glasnik@suggsbih.ba](mailto:glasnik@suggsbih.ba)**

*Uredništvo*